

香
豔
叢
書



上海書店出版社

香豔叢書

第七冊

第十三集一至四卷・第十四集一至四卷



香豔叢書十三集目錄

卷一

淞濱瑣話三 7

淞濱瑣話四 45

卷二

冬青館古宮詞 81

卷三

板橋雜記 177

珠江名花小傳 213

金粟閨詞百首 227

卷四

梅喜緣 235

沈警遇神女記 291

娟娟傳 295

香豔叢書十四集目錄

卷一

淞濱瑣話五

299

淞濱瑣話六

337

卷二

石頭記評贊

377

石頭記評花

381

讀紅樓夢雜記

387

紅樓夢竹枝詞

395

紅樓夢題詞

403

紅樓夢賦

407

卷三

秦淮畫舫錄上

439

卷四

秦淮畫舫錄下

509

第十三集至第十四集



香艷叢書

上海中國圖書公司
和記印行

香豔叢書十三集目錄

卷一

淞濱瑣話三 7

淞濱瑣話四 45

卷二

冬青館古宮詞 81

卷三

板橋雜記 177

珠江名花小傳 213

金粟閨詞百首 227

卷四

梅喜緣 235

沈警遇神女記 291

娟娟傳 295

香豔叢書十四集目錄

卷一

淞濱瑣話五

299

淞濱瑣話六

337

卷二

石頭記評贊

377

石頭記評花

381

讀紅樓夢雜記

387

紅樓夢竹枝詞

395

紅樓夢題詞

403

紅樓夢賦

407

卷三

秦淮畫舫錄上

439

卷四

秦淮畫舫錄下

509

香豔叢書

十三集卷一

淞濱瑣話

長洲王韜紫荊著

劉淑芬

劉淑芬海昌硤石鎮人。具俠腸。喜讀書。好擊劍馳馬。意氣自雄。視世之習帖括家言。迂氣滿紙者。不值其一盼。以是鄉里人亦輕之。謂劉氏子。惟知疎狂任性耳。豈足爲豪俠士哉。淑芬家本素封。良田數十頃。納太平租稅外。頗足自給。優游卒歲。惟性好揮霍。周貧濟急。罄其貲。無所吝。有僞爲困苦狀以乞憐者。並不加察。率如願以償之。坐是家中落。慨然思作汗漫之游。售其城西別業。得萬金。挾以北行。抵揚州。睨一妓曰嬌雲。國色也。所擲纏頭。無算。黃金既盡。狐眷戀不肯捨。妓寮中龍媪鴉鬟多厭惡之。時以冷語相侵。生謂嬌雲曰。吾寮中所攜萬金。盡散卿家。他人雖不知。卿則知之稔矣。數月來。何求不遂。吾豈薄待卿哉。嬌

雲泣曰。箇中豈可久居哉。妾篋中積有五百金。願出以壯行裝。若猶不足。阿姊素雲亦有私蓄。當代假之。妾頭上珠翠。計可值三千金。特倉卒間無售主耳。卽出貲授生曰。男兒當志在四方。自奮於功名。久戀兒女子何爲哉。生以嬌雲生性豪俠。甚欽敬之。拍其肩曰。卿眞今之女郭解也。不意於章臺中遇卿。吾苟多財。當拔卿於風塵。俾卿主持家政。必不如齷齪女子所爲。嬌雲於巨金之外。更益以佛餅二百枚。曰。此蔑蔑者。供途中所需足矣。餘則當作京師旅費。衣服冠履。皆嬌雲代爲整理。置之行篋。縫紉周密。生甚感之。歎曰。語重心長。意密情柔。今見卿矣。世徒以勾欄中人。雞聲斷愛。馬足無情。多致譏諷。豈所論於卿哉。嬌雲更以己貲爲生作餞行筵。一時五雲畢集。團欒共坐。生則居中。南向。五雲者。一妙雲最長。二翬雲。三綠雲。年並十七。皆同月生。四素雲。五則嬌雲。年皆十六。時有語云。揚州五雲。少者絕倫。酒罷束裝遂行。沿途猶作書寄嬌雲。媵以粉奩。脂盞。情語纏綿。致聲珍重。至京師後。途遇故友李海帆。亦豪士也。與生爲莫逆交。在吏部行走。聲望頗著。因招與同寓。勸生納貲入官。慨然貲以千金。生卽以

嬌雲所贈五百金。交部驗之。則贗鼎也。部中堂官厲聲詰所自來。生以直對。幾致不測。幸李友代爲之辨。得無事。生於是歎曰。此中人情。抑何險哉。始悟前日之贈金勸駕者。蓋欲生之速去也。憤然拔劍斫石曰。誓必有以報之。昂藏一丈夫。竟墮狡獪女子術中。復何面目以見天下士哉。捐納既以缺貨未遂。意殊快。李因代爲之謀曰。聞玉泉山呂公祠中。現來一客。真奇人也。虬髯廣額。儀觀雄偉。操秦音。自言爲陝之整屋人。每與客談。戲指空中飛鳥。點點下墮。或言其嫺劍術。當非虛也。生聞欣然。偕李命駕往西山訪之。道經望湖亭。湖水澄鮮。浮光蕩影。岸柳低徊。晴絲披拂。遙見亭左一人。箕踞西向坐。以雙劍迭擲空際。起落飄忽。有如宜僚之弄丸。李見之。卽謂生曰。吾所言者。卽斯人也。生遽前長揖。其人收劍答禮。詢生姓名。并及顛末。生謂願附門牆。學習劍術。其人曰。劍術可學。至於成仙作俠。則在乎己耳。生視其人收劍之時。迅捷異常。三尺霜鋒。已藏肘內。因問曰。劍與人能合爲一乎。其人曰。術成乃能之。觀子身有俠骨。心有殺機。雖屬可教。恐必破戒。如欲學劍。可卽來。余匝月後。擬赴峨眉飛羽仙之約矣。

生是夕。卽裸被宿祠中。其人自言姓濮陽。字歐冶。蓋慕古時歐冶子而自名也。問其年。曰百二十歲。而狀如四十許人。先以舞劍之法授生。始而雙鋒迅起。左右盤旋。既而萬道寒光。不可逼視。久之。人劍俱杳。生急索之。則已捧劍立於生後。凡歷四十餘日。法乃純熟。歐冶曰。余今將往峨眉。不可以久留。子如必欲成名。可在此待余。去後。生日夕自演。不敢一刻間斷。習之既稔。漸有所悟。一日早起。方當意興初酣之際。渾脫瀏灑。備極其妙。忽有一白猿來。手舞鐵榜。與生相角。須臾。雙劍盡入猿手。生赤手奮呼。逕前欲搏。白猿棄劍遁去。自此白猿每晨必來。或鬪劍。或賭拳。生皆不能勝。習之一年。生日有進境。有時猿所持鐵榜。亦爲生所攫取。一年後。歐冶忽歸。觀生舞劍。曰。工夫頗密。業已勝人一籌。顧其舞法猶未入神。悉心指授。閱半年。其術乃成。因令生習修煉之功。繼而採鐵於澗溪中。煨之。逾三月。忽爾爐火純青。雙劍迸出。淬之犀利無前。舉以畀生。曰。子得此。可以橫行天下矣。今與子別。子其往哉。生以劍術雖精。然猶未能變化。固請歐冶授以全法。歐冶曰。是不難。苟子願受三無之厄。則劍術可以通神。生問何

謂三無曰。無子無財無爵。孑然一身。貧無立錫。且爲舉世所唾棄。則正是功夫圓滿時也。生曰。余意本欲超出於世外也久矣。視世上之富貴功名兒孫福澤。如颼風之吹馬耳。何足爲重。劍術已全。正可以證仙道。長生久視。又何難哉。歐冶曰。子志如此。眞吾弟子也。遂授以符籙咒語。能搓劍如丸。納之口中。復吐之。出則雙劍躍入空際。夭矯如龍。能取仇人首級於洞房邃室之中。惟意所欲。雖以銅鐵爲牆壁。不能阻也。生學之三年。遂盡其技。乃辭歐冶而行。徧歷滇黔秦蜀。一無所遇。仍至維揚。偶游竹西歌吹之場。忽有所觸。遂訪嬌雲於昔時所居。則門庭如昨。景物已非。人面桃花。不知歸於何所。因姑置之。久之。偕同人往平山堂觀芍藥。姹紫嫣紅。絢爛如錦。其時游女叢集。幾於袂雲而汗雨。生見一處人聚若圍場。環之三匝。中有女子數人。苦不得出。乃掉臂而入。則嬌雲姊妹行也。粉黛浸淫。意態殊窘。生謂之曰。尙識我否。嬌雲驟覩生。愧悔之狀。幾若無地可容。生曰。勿懼。余送汝排衆突前。衆咸辟易。數女子隨之而行。莫敢逼者。既出險。僕媼亦來。數女子殷勤致謝。嬌雲爰邀生臨其家。坐甫定。生卽抗聲斥之曰。